



EKONOMIJA

Kretanje nekoliko makroekonomskih indikatora u posljednjih mjeseci bi moglo imati negativne efekte na ekonomski rast i siromaštvo u BiH. Potrošačke cijene su u aprilu 2008. bile 7,5% veće nego prije godinu dana, uglavnom kao posljedica rasta cijena hrane i energije.

Drugo, u martu su prosječne plate bile 16% veće nego prošle godine, a to je povećanje u velikoj mjeri rezultat porasta plata u javnom sektoru. Rast plata u javnom sektoru u Republici Srpskoj je bio uzrokovan udvostručenjem plata u zdravstvenom sektoru, i povećanjem od 70% u platama u sektoru obrazovanja. U Federaciji su plate u javnom sektoru takođe rasle brže od prosjeka – čime ne samo da se povećao pritisak na budžete, već se slabila realna konkurentnost privrede.

Konačno, trgovinski debalans se i dalje povećava, obzirom da je uvoz rastao mnogo brže od izvoza u periodu januar – april (za 12 procenata na godišnjoj osnovi). Zbog toga će se deficit tekućeg računa vjerovatno dalje povećavati u 2008. Ipak, još uvijek nema naznaka usporavanja privrede.

BOSNU I HERCEGOVINU NE MOŽE ZAOKLIČITI GLOBALNI RAST CIJENA HRANE I ENERGIJE

Na globalnom planu, cijene hrane su se udvostručile tokom posljednje tri godine. Prošle godine je cijena pšenice porasla za 120% a cijena hljeba se udvostručila. Tokom proteklih 12 mjeseci, u zemljama centralne i istočne Evrope cijene hrane i energije su prosječno porasle za 12%, odnosno 8%. Iako u manjoj mjeri nego u ostalim dijelovima svijeta, i u ovoj regiji je došlo do povećanja siromaštva.

Povećanje cijena goriva je (kako direktno, tako i indirektno) osnovni faktor povećanja cijena hrane. Veće cijene nafte su značajno povećale troškove poljoprivredne proizvodnje, kao i troškove transporta proizvoda na tržište. Štaviše, neke vlade su uvele subvencije za proizvodnju bio-goriva, a poljoprivrednici su počeli uzgajati kulture za proizvodnju bio-goriva umjesto za proizvodnju hrane. Konačno, kao rezultat ekonomskog rasta u Kini i Indiji, potražnja za hranom raste. Zbog toga se zalihe hrane smanjuju, a cijene i dalje rastu i taj bi proces mogao potrajati nekoliko godina.

U BiH su potrošačke cijene u aprilu bile prosječno 7,5% veće nego prije godinu dana. Cijene hrane su, međutim, veće za 12%, a stanovanja, energije i goriva za 7%. Iako značajno, povećanje cijena u BiH je do sada bilo umjereno u poređenju s regijom. Ipak, rast cijena bi mogao imati značajan uticaj na siromaštvo i ekonomiju. Sveukupni efekti rasta cijena hrane i rasta ostalih cijena na siromaštvo u BiH nisu još uvijek jasni. Od 2004. nije bilo novih podataka o profilu siromaštva. U to vrijeme 19,5% stanovništva BiH je živjelo ispod linije siromaštva, većina njih u ruralnim područjima. Veće cijene hrane su gotovo sigurno negativno utjecale na stope siromaštva u urbanim područjima. Ipak, njihov efekat na siromaštvo u ruralnim područjima nije poznat, obzirom da mnoga ruralna domaćinstva proizvode hranu za vlastitu potrošnju, a neka od njih dio i prodaju. Stoga, jačanjem podrške poljoprivrednoj proizvodnji, veće cijene hrane bi mogle smanjiti siromaštvo u ruralnim područjima uz postojeće poljoprivredne aktivnosti i potencijal.

Rast cijena hrane i energije zahtijeva strateške, fokusirane i rentabilne mjere politike da se spriječi povećanje siromaštva i opasnost pretvori u priliku za rast. Socijalna pomoć treba ciljano usmjeravati da bi se osiguralo da se ona pruža onima kojima je zaista potrebna, što zahtijeva dobro razumijevanje profila siromaštva i uvođenje imovinskog cenzusa za potencijalne korisnike. Veće cijene hrane potiču povećanje domaće poljoprivredne proizvodnje. Vlasti mogu podržati rast poljoprivredne proizvodnje i djelatnosti poduzimanjem mjera za poboljšanje likvidnosti tržišta zemljišta, ulaganjem u otklanjanje infrastrukturnih uskih grla za produktivnost u sektoru, kao i povećanjem rentabilnosti svoje finansijske pomoći poljoprivrednicima (npr. fokusiranjem na strateške sektore, te preusmjeravanjem pomoći sa subvencioniranja cijena na kapitalne investicije).

| | Godišnja | | Kvartalna | | | | Mjesečna | | | | | |
|-------------------------------------|----------|--------|-----------|--------|--------|--------|----------|-------|-------|-------|-------|-----|
| | 2006 | 2007 | 2007 | | 2008 | | 2007 | | 2008 | | | |
| | | | K2 | K3 | K4 | K1 | XI | XII | I | II | III | |
| Industrijska proizvodnja | | | | | | | | | | | | |
| FBH (% promjena g-g) | 7,5 | 9,1 | 12,9 | 9,2 | 2,9 | -1,3 | 1,2 | -1,6 | 7,8 | 13,7 | -5,7 | |
| RS (% promjena g-g) | 19,1 | 1,4 | 2,8 | -8,5 | -5,7 | 9,0 | 10,1 | 2 | 4,8 | 6,3 | 6 | |
| Mjesečne bruto plate | | | | | | | | | | | | |
| FBH (% promjena g-g) | 8,2 | 9,7 | 9,8 | 9,6 | 11,0 | 12,2 | 12,3 | 10,2 | 12,0 | 11,8 | 13,0 | |
| RS (% promjena g-g) | 12,0 | 10,3 | 10,3 | 8,2 | 11,0 | 22,3 | 11,1 | 12,3 | 8,6 | 29,2 | 28,4 | |
| Troškovi života / CPI* | | | | | | | | | | | | |
| FBH (% promjena g-g) | 6,0 | 1,5 | 0,4 | 0,7 | 3,8 | 6,8 | 3,7 | 4,9 | 6,3 | 6,6 | 7,4 | |
| RS (% promjena g-g) | 9,4 | 1,8 | -0,3 | 1,5 | 5,9 | 6,1 | 6,0 | 7,4 | 5,8 | 5,8 | 6,7 | |
| Saldo tekućeg računa PB (mil. €) | -816 | -1.401 | -386 | -342,6 | -484,7 | n/a | n/a | n/a | n/a | n/a | n/a | n/a |
| Trgovinski bilans (mil. €) | -3.134 | -4.072 | -1.053 | -1.074 | -1.172 | -1.077 | -381 | -385 | -263 | -388 | -426 | |
| Izvoz roba (mil. €) | 2.640 | 3.035 | 766 | 791 | 780 | 801 | 270 | 237 | 248 | 279 | 274 | |
| % promjena g-g | 36,5 | 15,0 | 11,9 | 12,5 | 11,3 | 14,8 | 11,3 | 13,8 | 12,1 | 27,4 | 6,4 | |
| Uvoz roba (mil. €) | 5.823 | 7.106 | 1.820 | 1.865 | 1.947 | 1.878 | 651 | 622 | 512 | 667 | 699 | |
| % promjena g-g | 1,9 | 22,0 | 20,3 | 16,6 | 16,9 | 27,4 | 16,7 | 11,9 | 28,1 | 38,4 | 18,0 | |
| Devizne rezerve (mil. €) | 2.787 | 3.425 | 3.016 | 3.311 | 3.425 | 3.376 | 3.279 | 3.425 | 3.393 | 3.360 | 3.376 | |
| Novčana masa (M2) (mil. €) | 5.151 | 6.263 | 5.724 | 5.979 | 6.263 | 6.341 | 6.098 | 6.263 | 6.251 | 6.279 | 6.341 | |
| % promjena g-g | 24,8 | 21,6 | 27,2 | 22,8 | 21,6 | 18,1 | 22,0 | 21,6 | 20,4 | 18,4 | 18,1 | |
| Krediti nevladinom sektoru (mil. €) | 4.724 | 6.052 | 5.370 | 5.687 | 6.052 | 6.450 | 5.928 | 6.052 | 6.112 | 6.279 | 6.450 | |
| % promjena iz godine u godinu | 23,3 | 28,1 | 26,6 | 29,4 | 28,1 | 28,7 | 29,3 | 28,1 | 28,1 | 28,9 | 28,7 | |

Izvori: Agencija za statistiku BiH, Zavodi za statistiku FBiH i RS, Centralna banka i procjene Svjetske banke./ * Od 1/2008 oba entiteta izvještavaju CPI

AKTIVNI PROJEKTI SVJETSKJE BANKE U BOSNI I HERCEGOVINI

| Projekat | Status | Ukupno namijenjena sredstva (US\$ miliona) | Na raspolaganju za isplatu (US\$ miliona) |
|---|-----------|---|--|
| Razvoj zajednica | efektivan | 20,00 | 4,64 |
| Podrška zapošljavanju | efektivan | 12,00 | 2,23 |
| Restrukturiranje obrazovanja | efektivan | 10,00 | 9,62 |
| Jačanje zdravstvenog sektora | efektivan | 17,00 | 11,23 |
| ECSEE APL 3 (Struja IV) | efektivan | 36,00 | 38,55 |
| Upravljanje čvrstim otpadom | efektivan | 26,00 | 17,46 |
| Urbana infrastruktura i pružanje usluga | efektivan | 25,00 | 17,69 |
| GEF – Zaštita kvaliteta vode | efektivan | 8,90 | 8,46 |
| Razvoj i zaštita šuma | efektivan | 7,10 | 3,92 |
| Registracija zemljišta | efektivan | 15,00 | 15,43 |
| Mala komercijalna poljoprivreda | efektivan | 12,00 | 2,23 |
| Poljoprivreda i ruralni razvoj | efektivan | 21,00 | 21,95 |
| Pripremljenost za ptičju gripu | efektivan | 5,00 | 5,43 |
| Cestovna infrastruktura i sigurnost | odobren | 25,00 | 25,97 |
| GEF - Upravljanje Neretvom i Trebišnjicom | odobren | 6,00 | 6,00 |
| GEF - Šumska i planinska zaštićena područja | odobren | 3,40 | 3,40 |
| TOTAL | | 249,40 | 194,21 |

NOVI OKOLIŠNI PROJEKTI

Svjetska banka je odobrila dva granta Fonda za globalni okoliš (GEF) za **Projekat upravljanja Neretvom i Trebišnjicom** i **Projekat šumskih i planinskih zaštićenih područja**.

Cilj granta u iznosu od US\$ 6 miliona za Projekat upravljanja Neretvom i Trebišnjicom je uspostava mehanizma za efikasnu i pravičnu raspodjelu vode između korisnika u slivu Neretve i Trebišnjice na prekograničnom nivou i za jačanje ekosistema i biodiverziteta putem boljeg upravljanja vodnim resursima.

Grant u iznosu od US\$ 3,4 miliona za Projekat šumskih i planinskih zaštićenih područja će pomoći vladi na zaštiti globalno značajnog biodiverziteta u kritičnim šumskim i planinskim ekosistemima. Projekat će takođe pomoći BiH na putu prema EU integracijama kroz podršku za ispunjavanje zahtjeva politike EU vezane za prirodu i biodiverzitet (Natura 2000).

Ove investicije predstavljaju nastavak pomoći Svjetske banke Bosni i Hercegovini da zaštiti i sačuva svoj vrlo raznoliki i bogati krajolik.



BANKA ZNANJA – ANALITIČKI RAD PODRŽAVA STRATEGIJU PARTNERSTVA ZA BOSNU I HERCEGOVINU

Strategija partnerstva sa zemljom (CPS) za BiH koju je Svjetska banka odobrila u decembru 2007. je organizirana u dva stuba koji se međusobno dopunjuju: **stub I** ima za cilj jačanje privrednog rasta pod vođstvom privatnog sektora i približavanje Evropi; a **stub II** je okrenuta poboljšanju kvaliteta vladine potrošnje i pružanja usluga ugroženim kategorijama. Te su oblasti podržane novim zajmovima u ukupnom iznosu od oko US\$ 200 miliona u periodu 2008-2011, kao i sadašnjim portfeljom kojeg čini 15 aktivnih projekata (vidi iznad). Program zajmova se zasniva na analitičkom radu koji čini osnovu aktivnosti koje financira Svjetska banka. Što je još značajnije, od analitičkih i savjetodavnih aktivnosti se očekuje da pruže informacijsku podlogu za dijalog o politikama u nekoliko značajnih područja. Timovi Svjetske banke u partnerstvu sa domaćim vlastima, trenutno provode istraživanja u sljedećim oblastima:

Studija ciljanja socijalne pomoći prema mjerilima imovinskog cenzusa – cilj ove studije je pomoći entitetskim vladama na racionalizaciji njihove potrošnje za socijalnu pomoć. Iako će fokus biti na neboraćkim naknadama, srednjoročno, diskusija o mjerilima imovinskog cenzusa će pomoći vladi u sticanju znanja i izgradnji kapaciteta za racionalizaciju gotovinskih transfera, uključujući i one za borbe. Ova će studija biti završena u septembru 2008.

Ocjena klime za investiranje - Glavna dijagnostička misija obavljena je krajem februara i početkom marta 2008. Glavni nalazi misije su: i) slabosti vaučerski privatiziranih poduzeća; i ii) poslovno okruženje - zakoni povoljniji za poslovanje su doneseni u oba entiteta ali još uvijek ostaju značajne barijere za privlačenje novih investicija. Izvještaj koji pokriva ove probleme je dovršen u junu 2008.

Ekonomski memorandum za zemlju je takođe u pripremi. Memorandum će se fokusirati na konkurentnost izvoznog sektora i sektora koji konkuriira uvozu. Objavlivanje se očekuje početkom 2009.

PROJEKTI U PRIPREMI

Trenutno u pripremi su: **Projekat upravljanja čvrstim otpadom II**, **Projekat razvoja općina** i **Projekat za rehabilitaciju riječnog puta na rijeci Savi**. Za sva tri projekta su predviđeni procjena, pregovori i odobrenje Odbora u narednih 12 mjeseci.